

nunc in antea erimus fideles semper et obedientes Serenissimo Principi et Domino Domino Ferdinando Bohemorum Regi, eiusque Consorti Serenissime Domine Anne, Nate Regine Hungarie et Bohemie etc., Dominis nostris clementissimis et gratiosissimis, tanquam veris legitimis et naturalibus heredibus, ac Regi et Regine Regni Croatiae, eorumque heredibus et locumtenentibus siue gubernatoribus, bonumque et commodum ac salutem eorum cogitabimus et pro uirili nostra promouebimus, damna uero et preiudicia eorum pro posse nostro auertemus et precauebimus, aliaque omnia et singula faciemus, que bonis subditis et fidelibus seruatoribus erga Dominum suum conueniunt, et ad que tenentur et astringuntur, quodque nullo unquam tempore deinceps aliquem alium in Dominum aut Regem nostrum acceptare uel recognoscere uelimus preter Majestates suas earumque heredes. Quodsi uero coniunctim vel diuisim comperiremus unam aut plures personas, siue ecclesiastici siue secularis Status et conditionis, que in preiudicium Maiestatum suarum uel uerbo aut facto alii uel aliis in bonum eorundem adherere uellent, Nos, ubi tales resciremus, continuo Maiestates suas, uel superioritatem nobis per eas datam, admonebimus et ausabimus, iuuabimusque omnes tales sic inobedientes ad debitam obedientiam reducere, omni penitus dolo et fraude remotis. Ita nos Deus adiuuet et sancta eius euangelia“ —

Decantato desuper solemniter in Ecclesia hic Monasterii S. Marie uisitationis fratrum minorum de obseruantia ad omnipotentis Dei laudem honorem et gratiarum actionem Cantico Te Deum laudamus etc. cum campanarum frequenti sonitu et pulsatione. Quo fit inter cetera, quod nos omnes et singuli, una cum Heredibus posteris et successoribus nostris in infinitum, sumus facti ueri naturales legitimi et indubitati subditi prefati Serenissimi Domini Regis et Serenissime Domine Regine nostre ac suorum Heredum in infinitum ex lumbis eorum descendentium. In quorum omnium supradictorum inconcussam et integram fidem et sufficiens testimonium, has literas fieri fecimus et ereximus, quas sigillis nostris solitis partim propriis partim communibus perpetuo ualituras munimine roborauimus. Datum in Oppido Cetinensi in generali nostro Conuentu in supranominato Monasterio celebrato die prima mensis Ianuarii a Natiuitate Domini Jesu Christi Saluatoris nostri Millesimo quingentesimo Vicesimo septimo.

Originalis et transsumptum contempor. in c. r. secreto Archivio Viennensi.

1527. 1. JANUARI. IN CETIN.

*Promissio Ferdinandi, electi Croatiae Regis, de privilegiis, juribus, libertatibus et decretis, Regno Croatiae a prioribus Regibus concessis, illaese conservandis, SS. et Ordinibus Regni Croatiae per speciales Oratores, ad eosdem deputatos, facta.*

Nos Serenissimi et Potentissimi Principis et Domini D. Ferdinandi, Bohemie et Croatiae etc. Regis, Infantis Hispaniarum, Sacri Romani Imperii Principis